



Scéim Caipitil Ceoil 2024

Treoirínte maidir le Dámhachtain 2 (Ceoltóirí gairmiúla aonair cruthaithe a bhíonn ag seinm ar státse)

Arna bhainistíu ag Music Network, arna mhaoliniú ag an Roinn Turasóireachta, Cultúir, Ealaón, Gaeltachta, Spóirt agus Meán.

Leagtar amach Scéim Caipitil Ceoil de chuid Music Network chun tacaíocht a chur ar fáil i ndáil le huirlísí ceoil a cheannach agus chun aghaidh a thabhairt ar réimse leathan riachtanas caipitil laistigh d'earnáil an cheoil in Éirinn.

Déantar cur síos sa doiciméad seo ar **Scéim Caipitil Ceoil 2024 Dámhachtain 2 (Ceoltóirí gairmiúla aonair cruthaithe a bhíonn ag seinm ar státse)**, cuirtear faisnéis ar fáil ann ar mar is féidir iarratas a dhéanamh, agus déantar achoimre ann ar mar a dhéanfar iarratais a mheas. Leagtar amach an dámhachtain chun tacaíocht a chur ar fáil do cheoltóirí aonair sároilte a bhfuil gairm chruthaithe acu a bheith ag seinm ceoil ar státse ag leibhéal gairmiúil, ar ceoltóirí iad a bhfuil tacaíocht á lorg acu chun uirlisí ardchaighdeáin a bheidh ríthábhachtach dá ngairm ar státse a cheannach. (NB: Is féidir tagairt do ‘uirlisí’ síos tríd an doiciméad seo a thuiscint mar thagairt don uirlis atá beartaithe lena ceannach agus/nó ball/baill eile incháilithe, de réir an liosta ar leathanach 2).

Is é is brí le ceoltóirí gairmiúla a bhíonn ag seinm ar státse ná ceoltóirí d'aois ar bith a sheinneann ceol de sheánra ar bith a bhfuil dea-theist ar féidir a léiriú orthu, cé nach gá go dtuilleann siad ioncam go leanúnach/go heisiach as a bheith ag seinm ceoil. Deir siad féin gur ceoltóirí gairmiúla a bhíonn ag seinm ar státse iad, agus is mar sin a aithníonn a bpiaraí iad. Tá an dámhachtain seo oscailte do cheoltóirí a oibríonn ina dtaiobheoirí ardleibhéal, bíodh sin i gcáil aonréadaithe nó mar dhuine de ghrúpa beag/ensemble/chomharghrúpa in aon seánra ar bith.

Is é €185,000 an maoiniú iomlán a bheidh ar fáil de Scéim Caipitil Ceoil 2024 Dámhachtain 2.

Is é an spriocdháta chun iarratais a fháil ná 2pm, Dé Máirt 25 Meitheamh 2024.

Cé atá incháilithe le hiarratas a dhéanamh?

Tá ceoltóirí aonair a bhfuil cónaí orthu i bPoblacht na hÉireann incháilithe le hiarratas a dhéanamh ar Dhámhachtain 2 de Scéim Caipitil Ceoil 2024. Tá Music Network tiomanta do chothromas agus d'ionchuimsiú, agus fáiltítear roimh iarratais ó dhaoine aonair de phobail atá éagsúil ó thaobh cultúir de agus ó dhaoine faoi mhíchumas. Tá ‘cónaitheacht’ bunaithe ar an sainmhíniú a thugann na Coimisinéirí loncaim ar an téarma: *Tá tú cónaitheach chun críocha cánach in Éirinn má tá tú i láthair in Éirinn le haghaidh:*

- *183 lá nó níos mó laistigh de bhliain chánach*
nó
- *280 lá nó níos mó san iomlán, ag tógáil na bliana cánach reatha móide an bhliain chánach roimhe sin le chéile. Ní bheidh tú cónaitheach in Éirinn má tá tú anseo ar feadh 30 lá nó níos lú i mbliain chánach.*

Beidh uimhir bhailí PSP ag cónaitheoirí. Téigh chuig www.revenue.ie chun tuilleadh faisnéise a fháil.

Tá eisceachtaí áirithe i gceist ina bhféadfadh Music Network iarratais ó dhaoine atá lonnaithe taobh amuigh de Phoblacht na hÉireann a mheas a bheith incháilithe. Sula bhféadfaí aon iarratas dá leithéid a mheas a bheith incháilithe, áfach, bheadh ar an iarratasóir a chur in iúl go soiléir san iarratas mar a rachadh torthaí togra ar bith den sórt sin chun tairbhe na n-ealaón i bPoblacht na hÉireann.

Iarratasóirí / iarratais neamh-incháilithe

- Níl daoine aonair atá faoi bhun 18 mbliana d'aois incháilithe le hiarratas a dhéanamh.
- Níl iar-dámhachtaithe na Scéime Caipitil Ceoil nár chomhlíon coinníollacha a ndámhachtana incháilithe le hiarratas a dhéanamh.

Measfar d'iarratas a bheith neamh-incháilithe sa chás:

- go bhfaighfí d'iarratas tar éis an dáta deiridh nó an ama deiridh le haghaidh iarratas: **2pm, Dé Máirt 25 Meitheamh 2024.**
- nach mbeadh na hÁbhair Tacaíochta Riachtanacha go léir san áireamh le d'iarratas (leathanach 3).
- nach mbeadh d'iarratas ag teacht le coinníollacha na dámhachtana (leathanach 4 – 5).
- go mbainfeadh d'iarratas le huirlis a ceannaíodh cheana féin nó a cheannófar sula ndéanfaí ciuntí i dtaca le maoiniú.
- nach mbeadh an fhoirm iarratais comhlánaithe ina hiomláine. Cuir isteach 'N/B' in aon chuid nach mbaineann le d'iarratas, más gá.

Tabhair ar aird go ndícháileofar iarratais de thoradh stocaireachta.

Caiteachas incháilithe / neamh-incháilithe

Ní mór an uirlis atá beartaithe lena ceannach a bheith mar cheann de phríomhuirlisí an iarratasóra, ar féidir leis/léi a léiriú go bhfuil cuntas teiste maith aige/aici uirthi ó thaobh ceol a sheinm ar státse. Cuirfear an maoiniú tacaíochta a ghabhann leis an dámhachtain seo ar fáil trí íocaíocht deontais chuig an gceoltóir aonair.

Mar aon leis an gcostas a bhaineann le huirlisí ceoil (uirlisí nua nó uirlisí dara láimhe ar ardchaighdeán) a cheannach, is ionann na míreanna seo a leanas agus caiteachas **incháilithe** mar chuid den de Scéim Caipitil Ceoil 2024 Dámhachtain 2. NB: ní mór gach ball atá molta lena cheannach a úsáid i suíomh beo-léirithe go príomha.

Boghanna	Trealamh leictreachuaimiúil	Béaloga
Drumachinn, bataí druma, scuaba	Aimplitheoirí uirlise agus seoláin	Córais Fógartha Poiblí agus micreatfón
Troitheáin éifeachtaí	Cásanna d'uirlisí	Sainstóltá nuair is gá

Tá na míreanna seo a leanas **neamh-incháilithe** le haghaidh tacaíochta sa Scéim Caipitil Ceoil 2024 Dámhachtain 2.

Ríomhairí/ríomhairí glúine	Méadranóim, tiúnóirí, táillí tiúnála
Trealamh agus bogearraí le haghaidh taifeadta	Spás cleachtaidh a cheannach/a ligean ar cíos
Costais a bhaineann le ceannach na huirlise e.g. seoladh, seachadadh, dleachtanna, táillí bainc, táillí iomportála	

An Próiseas Iarratais

Ní mór d'iarratasóirí foirm iarratais ar líne a chomhlánú mar aon le hÁbhair Tacaíochta Riachtanacha a chur ar aghaidh. Féadfaidh iarratasóirí Ábhair Tacaíochta Roghnacha a chur ar aghaidh chomh maith.

1. An Fhoirm iarratais

Cúig chuid atá san fhoirm iarratais, ina n-iarrfar ar an iarratasóir faisnéis a chur ar fáil maidir lena shonraí teagmhála, a chúlra (e.g. oideachas/oiliúint ábhartha, taibhithe ar státse roimhe seo), a chuid pleannan don todhchaí (e.g. taibhithe atá ag teacht aníos, pleannan i leith forbartha) agus an uirlis atá beartaithe lena ceannach (e.g. an costas, ranníocaíocht an iarratasóra i dtreo an chostais, an gá atá leis an uirlis). Déanfar na hÁbhair Tacaíochta go léir a uaslódáil mar chuid den fhoirm iarratais ar líne a chur i gcrích.

2. Ábhair Tacaíochta Riachtanacha

Cinntigh go gcuirfidh tú gach ábhar a shonraítear thíos ar fáil, mar nach mbeifear in ann iarratais nach bhfuil na hÁbhair Tacaíochta Riachtanacha go léir san áireamh leo a mheas ina n-iomláine agus measfar iad a bheith neamh-incháilithe dá bhrí sin.

• Curriculum Vitae

Níor cheart an doiciméad seo a bheith níos faide ná dhá leathanach, agus ba cheart sonraí maidir le hoideachas/oiliúint, taibhithe ceoil a rinne tú roimhe seo agus grúpaí/ensembles/ceoltóirí lenar gcomhoibrigh tú a bheith air.

• Taifeadtaí fuaimé/físe

Ní mór d'iarratasóirí dhá thaifeadadh a bhfuil codarsnacht eatarthu a chur ar aghaidh ina léirítear a gcuid gníomhaíochta ealaíonta, agus doiciméad Word in éineacht leo ina liostaítear na sonraí taifeadta (amanna tosaigh/stoptha do chodanna ábhartha don mheasúnóir le héisteach leo, dáta, suíomh an taifeadta).

- Is féidir taifeadtaí fuaimé i bhformáid mp3 a uaslódáil go díreach chuig an bhfoirm iarratais
- Is féidir taifeadtaí fuaimé i bhformáidí eile agus taifeadtaí físe a nascadh ar an doiciméad Word.

N.B. Mura mbeifear ábalta rochtain a fháil ar na naisc le linn na tréimhse measúnaithe, ní bheifear in ann d'iarratas a mheas ina iomláine, mar sin déan cinnte go bhfuil do naisc/chomhaid inrochtana go poiblí nó cuir pasfhocal ar fáil más gá.

• Dhá meastachán don uirlis atá beartaithe lena cheannach

Ní mór d'iarratasóirí meastachán a chur ar aghaidh ó **dhá sholáthróir ar leith**. Tá meastachán riachtanach chun críocha comparáide ionas gur féidir 'luach ar airgead' a léiriú agus é a mheá go cúramach i ndáil le gach iarratas. Ní mór go léireofar aimí an tsoláthrára, sonraíochtaí agus costas na huirlise sa mheastachán i ngabháil scáileáin tóigthe ó láithreán gréasán an tsoláthrára, nó i ríomhphost/litir ón soláthróir.

- Más in airgeadra seachas an Euro atá na meastachán, cuir isteach an ráta comhshó cuí; ní mór figiúirí ar d'fhoirm iarratais a chur síos in Euro.
- I gcás uirlísí saincheaptha, ba cheart go mbainfeadh na meastachán/meastachán bhereise leis an uirlis/na huirlísí is mó atá inchomparáide. Déan teagmháil le Riarthóir na Scéime Caipitil Ceoil má tá ceist ar bith agat.
- Ó tharla gur féidir le naisc dul in éag/a bheith neamhghníomhach tar éis tamaill, níl sé inghlactha chun naisc a chur ar aghaidh in áit meastachán san fhormáid a shonraítear anseo.

3. Ábhair Tacaíochta Roghnacha

Féadfaidh iarratasóirí suas le cúig doiciméad a uaslódáil mar Ábhair Tacaíochta Roghnacha. D'fhéadfadh a leanas a bheith i gceist leis seo, gan a bheith teoranta dóibh: léirmheasanna, gearrthóga nuachtáin agus ábhar poiblíochta.

4. An bealach le d'iarratas a chur ar aghaidh

Ba cheart d'iarratasóirí dul chuig www.musicnetwork.ie agus a bpróifil a shocrú. Ansin, beidh an t-iarratasóir ábalta an t-iarratas a chur i gcrích i gcéimeanna (an fhoirm iarratais a chomhlánú agus na hÁbhair Tacaíochta Riachtanacha agus Roghnacha ar fad a uaslódáil) le linn na tréimhse iarratais. Ní mór ábhair uile an iarratas, i.e. an fhoirm iarratais agus ábhair tacaíochta, a chur ar aghaidh trí thairseach na n-iarratas atá ar fáil ar

www.musicnetwork.ie. Ní mór an t-iarratas comhlánaithe a chur ar aghaidh faoin **2pm, Dé Máirt 25 Meitheamh 2024**.

Má chuireann tú d'iarratas ar aghaidh roimh an dáta deiridh a nglacfar le hiarratais, gheobhaidh tú ríomhphost uathoibrithe ina ndeimhneofar gur éirigh leat d'iarratas a chur isteach sa chóras i gceart. N.B. Mar go seoltar ríomhphoist go huathoibríoch, tá seans go dtiocfaidh siad isteach i d'fhillteán turscair. **Mura bhfaigheann tú an ríomhphost seo, níor cuireadh d'iarratas isteach i gceart.** Tabhair ar aird gur faoin iarratasóir atá sé a chinntíú go bhfaigheann Music Network an t-iarratas faoin dáta deiridh a nglacfar le hiarratais. Ní féidir le Music Network freagracht a ghlacadh as iarratais nár cuireadh isteach i gceart faoin dáta deiridh a nglacfar le hiarratais.

Comhairle d'iarratasóirí

- Léigh na Treoirlínte maidir le Scéim Caipitil Ceoil 2024 Dámhachtain 2 agus an fhoirm iarratais do Scéim Caipitil Ceoil 2024 Dámhachtain 2 fad atá d'iarratas á ullmhú agat.
- Déan cinnte go bhfuil d'iarratas soiléir agus gonta agus nach bhfuil débhrí ann; ná glac leis go bhfuil cur amach ag na measúnóirí ar do chuid oibre.
- Bí ag smaoineamh ar na critéir roghnúcháin agus an t-iarratas á scríobh agat agus na hábhair tacaíochta á roghnú agat lena gcur ar aghaidh.
- Bíodh tuairim shoiléir réalaíoch agat ar na costais a bhaineann le do thogra agus leag amach go soiléir na foinsí ioncaim atá agat.
- Roghnaigh an t-ábhar tacaíochta go cúramach lena chinntíú gurb é an léiriú is fearr é ar do chuid oibre. Obair a rinneadh le déanaí, go príomha, a bheidh san ábhar tacaíochta, agus ba cheart baint shoiléir a bheith le feiceáil idir é agus an uirlis atá beartaithe lena ceannach.
- Iarr ar chara nó ar chomhghleacaí súil a chaitheamh ar d'iarratas sula gcuirfeá ar aghaidh é.
- Bíodh d'iarratas ullmhaithe agus curtha ar aghaidh agat i bhfad roimh an dáta agus am deiridh a nglacfar le hiarratais: **2pm, Dé Máirt 25 Meitheamh 2024**.

An Nós Imeachta um Measúnú

Déanfaidh comhairleoir neamhspleáach na hiarratais incháilithe ar fad a mheas bunaithe ar an gcritéir roghnúcháin a luaitear thíos. D'fhéadfaí leas a bhaint as próiseas gearriostaithe, ag brath ar líon na n-iarratas. I ndiaidh sin, déanfaidh painéal, ar a mbeidh ionadaithe ó Music Network, ón gComhairle Ealaíon agus cleachtóirí ceoil a bhaineann le seánraí éagsúla, na hiarratais a bhreithniú agus déanfaidh siad cinneadh maidir le leithdháileadh na gcistí. D'fhéadfadh an painéal a chinneadh gan cistí a bhronnadh sa chás nach bhfaighfí dóthain iarratas ardchaighdeáin. Cinneadh críochnaitheach a bheidh i gcinneadh an phainéis. Ba chóir d'iarratasóirí a thabhairt ar aird go bhfuil teorainn leis an maoiniú agus gur próiseas thar a bheith iomaíoch é seo. Ní leor na critéir incháilitheachta a shásamh le maioniú a chinntíú.

Critéir Róghnúcháin

Déanfar iarratais a mheas bunaithe ar na critéir a liostaítear thíos, atá ualaithe de réir na gcéatadán atá luaite leo. I gcás scór chomh hard céanna a bheith ag líon iarratasóirí éagsúla, measfar cuntas teiste cruthaithe an iarratasóra a bheith ar an bpriomhchritéar roghnaithe.

Maidir leis an uirlis atá beartaithe lena ceannach:		
• Cuntas teiste an iarratasóra		50%
• Gá léirithe		25%
• Pleananna le húsáid na huirlise, i bPoblacht na hÉireann san áireamh		25%

Torthaí

Cuirfear gach iarratasóir ar an eolas ar ríomhphost maidir le cinneadh an phainéis i mí an Mheán Fómhair 2024. Foilseofar ainmneacha na n-iarratasóirí a n-éireoidh leo go gairid ina dhiaidh sin.

Iarratasóirí nach n-éireoidh leo

Cuirfidh Music Network aiseolas ar fáil d'iarratasóirí nach n-éireoidh leo laistigh de dhá mhí ó fhógra na dtorthaí. Beidh cead ag na hiarratasóirí sin iarratas a dhéanamh arís amach anseo.

Iarratasóirí a n-éireoidh leo - Coinníollacha na dámhachtana

- Feadfar suas le 50% de chostas iomlán na huirlise a bhronnadh; ná gabhadh méid na dámhachtana thar 50% de chostas iomlán na huirlise. Ní mór d'iarratasóirí an 50% eile a mhaoliniú; níl cead lascaine ó sholáthróirí uirlisí a bheith san áireamh leis an 50% seo.
- Bainfidh na ceoltóirí ar a mbronnfar dámhachtain úsáid rialta as an uirlis i bPoblacht na hÉireann go ceann trí bliana ar a laghad. Ní gá gur úsáid eisiach a bheadh i gceist leis seo. I gcás pianónna nó uirlisí móra eile nach bhfuil iniompartha, coinneofar an uirlis san áit a mbíonn an ceoltóir ag cleachtadh de ghnáth.
- Ní mór do na ceoltóirí ar a mbronnfar dámhachtain soláthar cuí a dhéanamh maidir le haire a thabhairt don uirlis agus í a choinneáil, a árachú, a chothabháil agus a dheisiú.
- Ní mór do na ceoltóirí ar a mbronnfar dámhachtain uirlis a aimsiú lena ceannach (sa chás nár aimsíodh uirlis cheana féin) taobh istigh de shé mhí ó fhógra a fháil maidir le bronnnadh na dámhachtana. Ní mór ceannach na huirlise agus íostarraingt an mhaoinithe a bheith déanta taobh istigh de dheich mhí ó dháta na dámhachtana.
- Ní mór do na ceoltóirí ar a mbronnfar dámhachtain scrióbhfa chuig Music Network laistigh de dhá sheachtain ó na torthaí a fháil chun íocafocht na dámhachtana a iarraidh. Ní mór do gach dámhachtaí a uimhir PSP a lua, agus ní mór dóibhsean a bheidh ag fáil breis agus €10,000 an Uimhir Thagartha Cánach agus an Uimhir Rochtana Imréitigh Cánach atá acu a lua chomh maith d'fhonn an dámhachtain a íostarraingt.
- Ní mór do na ceoltóirí ar a mbronnfar dámhachtain faomhadh Music Network a fháil maidir le hathrú ar bith atá beartaithe aici ar an uirlise sonraithe le ceannach.
- Ní mór do na ceoltóirí ar a mbronnfar dámhachtain cóipeanna d'fháltais don uirlis ceadaithe a chur ar fáil do Music Network laistigh de sé mhí ó íocaíocht na dámhachtana a fháil. I gcás gur in airgeadra eile seachas an euro atá na fáltais, ní mór deimhniú ar an tsuim a íocadh in euro a chur ar fáil freisin. I gcás nach bhfaightear doiciméid den sórt sin, forghéillfeadh an dámhachtaí an dámhachtain, agus aisíocfaidh sé an sciar de na cistí nár úsáideadh le Music Network. I gcás an costas deiridh a bheith níos ísle ná mar a raibh súil leis, aisíocfaidh an dámhachtaí an sciar den dámhachtain nár úsáideadh le Music Network lena chur isteach i gciste dhámhachtain na Scéime Caipitil Ceoil do na blianta atá le teacht.
- Ní mór do cheoltóirí ar a mbronnfar dámhachtain tuarascálacha bliantúla a chur ar fáil do Music Network maidir le húsáid na huirlise go ceann trí bliana ón dáta ar a bhfaighfear an uirlis.
- Beidh sé d'oibleagáid ar ceoltóirí ar a mbronnfar dámhachtain tacaíocht Music Network, tacaíocht na Roinne Turasóireachta, Cultúir, Ealaíon, Gaeltachta, Spóirt agus Meán agus tacaíocht na Comhairle Ealaíon a admháil in ábhar beathaisnéiseach agus poiblíochta, ó dháta na dámhachtana, go ceann trí bliana ar a laghad. Seolfar na lógónna ábhartha agus teimpléad de théacs na hadmhála chuig dámhachtaithe tar éis torthaí na

dámhachtana a dheimhniú. Éileofar ar ceoltóirí ar a mbronnfar dámhachtaincruthúnas ar admháil a chur faoi bhráid Music Network in éineacht le tuarascálacha bliantúla i.e. cláir ceolchoirme shamplacha, gabhálacha scáileáin ó láithreáin ghréasáin, póstaer, fógráin etc. ar a bhfuil an admháil le feiceáil.

- Aontaíonn ceoltóirí a mbronnfar dámhachtain orthu go gcloífidh siad le coinníollacha na dámhachtana seo. Sa chás go dtarlódh athrú ar chúinsí a d'fhágfadh nach mbeifí in ann cloí le coinníollacha na dámhachtana, bheadh ar an gceoltóir an tsuim arna bronnadh (nó an céatadán de luach na huirlisí ag an bpointe sin atá comhfhreagrach do luach na bundámhachtana) a íoc ar ais le Music Network. Chuirfí an tsuim sin isteach i gciste na Scéime Caipitil Ceoil do na blianta ina dhiaidh sin.